

1) KEN TA RICHARD LOPES?

BIDA NORMAAL

Mi a nace na Aruba dia 1 di Januari 1971. Semper mi tabata un mucha keto y no tabata val op den hende. Mi tabata bai 3 biaha pa siman misa Catholiko, pasobra mi kier a siña tur cos di misa Catholiko pasobra mi deseo mas grandi tabata pa bira pastoor. Pero despues cu mi a drenta den mi puberteit mi deseo a cambia por completo. Mi deseo tabata pa un dia mi bira minister di Economia y Turismo. Semper mi ta keda pensa con pa yuda desaroya Aruba su turismo pa un economia sano. Mi tin planenan y ideanan ya pa añanan scirbi, pa un dia si mi drenta e arena politico ta pa mi ya tin un bon plan traha caba. Mi a wordu aserca na 1997 pa drenta arena politico, pero mi a nenga, pasobra mi no tabata kier a bai riba lista number 29 pa hubentud. Dia mi drenta politica ta pa mi drenta den e top 10 di candidatonan. Sino lo mi keda afor!

BIDA ARTISTICO

- Cu 15 aña mi a cuminsa cana shown an di moda na Aruba y a gana diferente premionan como modelo profesional.
- Na 1988 mi tabata e di 25 pancho "STATION" juvenil di Aruba su carnaval, huntu cu Jovani Nicholaas como prins "SUPER".
- Mi ta e promer actor Arubiano kende a hunga diferente pelicula na Hulanda. Y mi ultimo opdracht tabata den un reclamo na television di Tempo Team.
- Pa hopi aña mi tabata choreografo di diferente artistas conoci na Hulanda. Mi mes tambe tabata habri diferente shownan grandi pa cantantenan na Hulanda.
- Na 1996 y 1997 mi tabata un di e presentadorman di e programa di pasco: Preparando pa fin di aña. Huntu cu mi ruman Cecilito Lopes.

MI ESTUDIO:

Mi studia economia comercial (HEAO-CE) na Hogeschool van Arnhem en Nijmegen. Mi tin intenshon di bai pa mi Master Degree den Economia International of den International Marketing and Business. Tin chens tambe cu mi por cuminsa cu mi estudio den politologie na Universidad di Utrecht, pero esey mi tin cu wak con ta combinele cu mi funcion nobo.



2) MI TRABOU AWOR?

Na 2001 mi a cuminsa traha na Rabobank Hulanda. Rabobank ta e banco mas grandi di Hulanda y tin e titulo como unico banco na mundu cu e TRIPLE AAA Status. Mi a cuminsa como advisor di tur e productonan di e banco. Mi carera a bai liher door cu mi tabata gana hopi premio como mihor advisor di tur seguro, Rendemix (aandelen) y di diferente otro productonan di banco. Semper mi tabata streng den beleid y processen den mi trabou. Despues di 2 aña mi a bira manager di un filiaal chiquito. Despues a bira manager di un team mas grandi na un filiaal mas grandi. Desde maart e aña aki mi a bira Opleidingscoördinator di henter Rabobank Utrecht. Pero mi a bolbe haya un mihor oportunidad y desde 1 di septem-

e aña aki, mi ta drenta mi funcion nobo como Manager (teamleider) di Servicecentrum y di Telemarketing team. Mi ta bai train, guia, stuur, 2 team grandi (mas di 50 empleado). Mi tin cu zorg huntu cu un otro teamleider pa hasi e afdeling un afdeling hopi productivo pa e banco. Mi ta pura pa cuminsa, pero ainda no a logra haya un persona pa drenta mi otro funcion. Dus pa 1 luna caba mi ta eherciando 2 funcion pareu. Y sin laga afor cu mi ta docente pa Rabobank na full Hulanda. Tur djabierna mi ta duna les na diferente Rabobanken na Hulanda. Mi ta duna les di fianza y tur e seguroonan cu ta existi. Si mi no certifica un empleado e no lo por bende productonan di nos banco. Mi trabou na Hulanda na Rabobank ta hopi duro mes. Y mi ta ehershe cu hopi amor.

3) ARUBA TA DEN MI PLANNA PA FUTURO?

Pa woraki mi no tin intenshon pa bin biba na Aruba. Door cu pami mi no aje-ga na e top cu mi kier jega promer cu mi 40 aña. Falta 2 stap mas chiquito;) y mi alogra exactamente loke mi a planea 6 aña pasa. Pero tur mi experencianan lo mi trese Aruba dentro di un paar di aña. Mi ta kere cu lo mi drenta e arena politico di biaha. Y bai pa mi deseo cual ta Minister di Economia y Turismo. Mi tin tur e ingrediente, experiencia y aparen-cia pa drenta den politica, pero mi dia no a jega ainda. Sopi pura ta sali salo!

4) ARUBA AKI 5-10 AÑA VERBETERPUNTEN PA ARUBA

1. Move e opslagcontainersnan na playa pa Barcadera. Nan ta muchu den bista di turistanan cu tin cu pasa pa bai nan hotel.
2. Caminda na Aruba ta hopi malo mes. Tur caminda tin buraco. Y na banda di e camindanan pa ta bashi. Gobierno mester drecha tur caminda sin laga ni un bario afor. Hasi algo full bon, NO mitar. Camin da banda di hotel y e ambiente ta su per. Wantele asina y desaroye mas.
3. Bordjinar di trafico cu ta guia turistanan pa por ehempel AYO Rockformation ta malo. Falta hopi bordji di guia ainda. E bordjinar no ta conseqente. Tin ora mi mes mes ter a drenta 4 caminda fout pa mi por a yega na mi destino.
4. Inverti den Sanicolaas. Falta hopi mes pa drecha, cambia etc. Atrae hopi mas nogoshi pa Sanicolaas.
5. Extranhehoran mester siña mas idioma mescos cu e Arubianonan. Nan ta rabia ora nan no por contesta na Hulandes of Papiamentu. Mi no ta papia Spaño na un isla unda ta conoci pa hopi idioma.

5) OPORTUNIDAD PA ARUBA?

Aruba falta un KUNSTVOORWERP (LANDMARK) espectacular y masha grandi mes. Gobierno por schakel un artsista of mas pa bin cu un idea (landmark) espectacular pa atrae mas turismo na Aruba. E mester ta un kunstvoorwerp asina grandi cu for di tur punto na Aruba bo lo por mester wak

e. Meskos cu Fransi tin su Eiffeltoren, Merca tin su statue of liberty, aki 5 aña Aruba mester tin su.....? SUCCES!

